

Mirsad Pindžo

Zastupnik u Skupštini Kantona Sarajevo

- **MINISTARSTVO PRAVDE I UPRAVE KS
UPRAVNA INSPEKCIJA**
- **TUŽILAŠTVO KANTONA SARAJEVO**

PREDMET: Zastupničko pitanje

Tražim da Ministarstvo pravde i uprave, putem upravne inspekcije obavi usmjereni upravni nadzor u pogledu primjene Zakona o državnoj službi Kantona Sarajevo u općini Trnovo i gradskoj upravi grada Sarajevo, a vezano za izmjene Pravilnika o unutrašnjoj organizaciji organa, prijema državnih službenika, preuzimanja državnih službenika, unapređenja državnih službenika... da li je ispoštovan Zakon o državnoj službi KS...

Od Tužilaštva KS tražim da mi odgovori da li je na bazi medijskih informacija ili prijave vršilo provjere poštivanja zakonskih propisa u navedenom slučaju prevođenja savjetnika iz gradske uprave grada Sarajevo u državnu službu u općini Trnovo i ekspresno vraćanje istih u gradsku upravu ali sad kao državnih službenika.

Obrazloženje:

Prema meni dostupnim informacijama iz medija, općina Trnovo je izmijenila Pravilnik o unutrašnjoj organizaciji i sistematizovala potrebna radna mjesta prilagođena osobama koje obavljaju savjetničke pozicije u gradskoj upravi. Na zahtjev općine Agencija za državnu službu je obavila prijem stručnih savjetnika u organu uprave općine Trnovo. Isti dan po prijemu, gradonačelnik i općinski načelnik potpisuju sporazum o preuzimanju državnih službenika i oni se odjavljuju iz općine i prijavljuju u gradsku upravu ali sad kao državni službenici. Namjera je očigledna, zloupotrijebiti odredene odredbe Zakona o državnoj službi KS, i imenovane osobe, savjetnike prevesti u državne službenike. Molim da se provjeri poštivanje zakona i u pogledu konačnog postavljenja u državnoj službi (probni rad u trajanju od šest mjeseci i tek nakon toga se konačno postaje državni službenik) i unapređenje državnih službenika (primljeni na pozicije stručnih savjetnika, a za jedan dan bez da su formalno i postali državni službenici, unaprijeđeni i u gradskoj upravi postavljeni za pomoćnika gradonačelnika, rukovodioca stručne službe i dr...)

Sarajevo, 25.06.2017.g.

Zastupnik

Mirsad Pindžo